

QUÆSTIO MEDICA,

QUOD LIBETARIIS DISPUTATIONIBUS

*manè discutienda in Scholis Medicorum, die Jovis
vigesima-quarta Januarii.*

M. ANTONIO VARIN, Doctore Medico,
Præside.

An à quibus Vita, ab iisdem Morbus?

I.

ANIMALIUM corpus nihil præter tubulorum congre-
riem. Quidquid in eo solidi subest, illud idem tubulum voca.
Quemadmodum venæ, arteriæ, nervi, intestina, similiter ossa,
glandulæ, cerebrum ipsum, membranæ meritò tubuli habeantur. Tu-
bulus corpus solidum est transiture liquori pervium. Ecquid in vi-
ventium corporibus non solidum, & fluenti liquore non perfusum? ab
his tota viventis compositio; ex solidis scilicet, quæ tubuli sunt, ex
liquidis, quæ indefinenter per hos transeundo tubulos, cunctas vitæ
actiones edunt. Hæ diversæ sunt pro diversâ partium, à quibus & in
quibus fiunt indole. Cadaver iisdem ac vivens partibus solidis instru-
ctum apparet, sed non iisdem fluentibus. Quare vitam circuitui san-
guinis (quem vulgus circulationem appellat) adscribere ne pertimes-
cas. Ab eo bene vivere datur. Ille circuitus ventriculi culinâ, atque
auxilio, alimenta in chylum immutat, quem secernit à fæcibus in in-
testinis, & quem exinde per venas lacteas, in sinum ipsius sanguinis
fluentem pellit, ut ibi in propriam cruoris Naturam mutet, conver-
tat. Is motus circuituionis sanguinis, diversos quibus ipse componitur
succos fermentatione Naturales reddit, eosque ex se in varias corpo-
ris partes fundit, quibus tamen succis ipse indiget, quos postea ab
iisdem partibus, quibus crediderat ipse, mutuatur. In hac effusione
liquorum, & eorundem receptione, positum esse orbicularem cruoris
motum penseas; Qui illum motum in viventibus negat, cœcutit ille,
& solem dicere falsum audent. Eo sublato funditus & derepente perit
calor, atque in ventos vita exhalata recedit. Melius itaque vitam con-
tinuatione circuitus sanguinis definies, quam si eam, caloris perman-
sonem in humido radicali vocaveris. Cave credas calorem esse quid

2

in corpore positivum. Sensationis species est solummodo. Illius sedes in animâ, non in corpore: benè autem occasio excitandæ sensationis corpus credatur; calorem tamen duplicimode interpretare, vel improprie, pro eo videlicet, quo corpus aliquod valet calefacere, vel proprie, pro calefacientis perceptione. Priori modo, motus quidam est partium corporis, quod vulgo calidum dicitur, altero modo, sensatio est, hæc in animâ, Ille in corpore residet. Fallax quippe & turpis error est idem in igne arguere, quod in animâ perfitur. Animæ & corporis jura toto cælo distant. Ille calor improprie dictus à motu peculiari non distinguitur, & omnium functionum corporis auctor perhibetur. In ipso sanguinis, & spirituum circuitu positus est, & hic est quasi Deus, agitante calescimus illo, unde posito hoc circulari motu, ponitur vita.

I I.

TEMPUS bene definitur mensura durationis rerum. Vita tempus animalis dici potest, id verò duratio actionum vitalium, quæ à primâ pulsatione cordis in fœtu, ad extremam in adultis dinumeratur, hinc forsan cor primum vivens & ultimum moriens traditur; concreta sanguinis ipsius motui adversa sunt, & adeo vitæ servandæ inimica, ut qui spiritum vitrioli, aut aliud quodvis valens acidum injectione in venas intrudit, ille lethæa papavera miscet, hac mixturâ acidum sanguine animal subito metas dati pervenit ad ævi. Salia sursum effici apta, quantum potest, huic acido concretionem promoventi medentur: hæc salia tum absorbendo acida, tum diluendo, atque solvendo concretiones, sanguinem pristino motui vitæ retinendæ requisito restitunt. Motus sanguinis absque multarum ejus partium dispendio, atque dissipatione non intelligitur. Ita ad vitam diutius retinendam actiones absolute necessariae sunt, nutritio, quæ accretionem ad tempus parit, respiratio, & spirituum animalium in singulas vivi corporis partes distributio. His functionibus multæ famulantur aliæ ignobiliores, inter quas non reperitur attractio. Impulsione rerum utilium singula hæc præstat optanda sanguinis motus, qui salutares ambrosiæ succos liberè fundit, & res si qua diu mortalibus ulla est, hæc propter illius gratiosi fontis perennitatem. Fons iste, alimentum proximè scilicet nutriendum ad singulas, & quidem remotissimas partes mittit, amandat. Fermenta in aliis partibus recondit, ut bilem in cystide ab hepatis glandulis secretam, in pancreate succum pancreaticum in duodenum effundendum, melancholicum liquorem in liene. Horum succorum, multorumque aliorum secretiones tot sunt circuitus sanguinis species & effectus, qui vitam tuentur. Hinc illi jure canitiem & longos sibi promittunt annos, in quibus hic motus sanguinis, in quo vita ponitur, perbellè ac placidè perficitur.

NIHIL est ab omni parte beatum, quod aliquando juvat, illud sæpè nocet. Calor qui vitam fovet, vitam destruit, is, ut loquuntur, sicut flamma oleum, humidum radicale depascitur. Sive Naturalis, sive sit contra Naturam calor specie non differt, sed solo intensiōis gradu. Prioris actione tempora labuntur, tacitisque senescimus annis. Posterioris violentiā promptius triplices Dæ nostra fila resolvunt, vitam enim adolescentibus vis aufert, senibus maturitas. Quantumvis temperatus sit calor, semper aliquid à partibus corporis detrahit, & millies repetito liquorum motu, pori cribrorum corporis ab eo dilatantur, aut viscida aut tartarea materiæ adhesionē, quam in iis deponunt, permeando succi angustantur & comprimuntur. Hinc immortalia ne speres monet annus, & alium quæ rapit hora diem. Partes corporis liquidæ mutuis stant, servanturque præsidii, mutuis quoque viribus sibi bellum inferunt, seseque perimunt. Acerum stillatitium solvit coralla, Margaritas, ab iisdem etiam hebetius redditur. Quapropter qui in dies generatur sanguis, cribrorum immutatione impurius, acriorque magis ac magis, aut ignavio sit, quo tarda senectus debilitat vires animi, mutatque vigorem. A sanguinis scaturigine bilis, succus pancreaticus, melancholicus, acidum ventriculi, & spiritus hauriuntur. Hi succi partes quas trajiciunt, & in quibus naturaliter coëscuntur, terunt, vitiant. Machinæ hydraulicæ ab aqua moventur, ab eaque evertuntur. Aquæ salientes tubulos plumbeos percurrendo perforant, rumpunt. Spiritus animales voluntarios motus edunt, non solum, sed sanguinis arteriosi accessu, qui simul æquā proportionē sibi respondentē, blandum fermentatione calorem excitant, simulque extendunt partes, dilatant, & senectutem sine immunitate maturant. Spirituum abundantia robur corpori addere creditur, sed interdum moram rugis instantique senectæ non affert, indomitæque mortis, sic inimici hominis domestici ejus dici possunt. A sanguinis circuitu bene vivere dedimus, sed nunc ab eo ægrotare, mori quis inficiabitur. Sic prima quæ vitam dedit hora, horaque carpsit, nascentes morimur, finisque ab origine pendet.

I V.

QUEMADMODUM virtus, sic sanitas inter duo extrema medium tenet, ea languidiorem, aut violentiorem sanguinis motum æqualiter metuit, ac veretur. Immodica fermentatio sanguinis consanguineum lethi soporem fugat, nec fessa diurnis membra ministeriis nutrit, reparatque labori. Illa sive essentialē eum suis accidentibus febrem, sive symptomaticam accersit. Contra in nimis imminuto fermentationis motu frigidæ effretæ in corpore vires. Violenta fermentatio solvit sanguinem, eum acriorem facit, salia evehit, vasa distendit,

ab eâ spiritus tenues evanescunt in auras, ab eâque glandularum & car-
nium pori, qui hunc teneri non possunt perferre laborem, dilaniantur,
hinc vitiatis fermentorum colis, pereunt coctiones, scaturiunt morbi.
Hydrops triplex, ascites ab effuso sero aut chylo in abdominis capa-
citatem. Leucophlegmatia, cum idem serum in habitum corporis erueta-
tur, ibique stagnat, musculos ac integumenta infarciens. Denique tym-
panites, qui à flatibus ortum habere fertur, quos absque sero, aut à
quovis humore sejunctos nunquam agnoscimus; sunt & alia: hydrops
partium species, quæ licet situ, non causis differunt. Apoplexia vel à
sanguine, vel à viscoso mucosoque humore cerebrum obruentibus ori-
tur. At hi morbi cum Catharro, Asthmate, Rheumatismo, Paralyfi, &
infiniti penè alii affectus tot sunt circuitus sanguinis vitia. Itaque ille
dies primus lethi, primusque malorum causa est, qui tardiorẽ aut
citatiorem sanguinis motum, à quibus pendet morborum cohors peperit.

V.

SENECTUS morbus naturalis est, morbus naturalis mors tacito
pede irrepens. Singulis animantibus insita sunt morbi & mortis
semina. Peritus in medendo est, qui illorum impetum retardat: sed illa
semina auferre nemini datur; ætates quibus vitæ spatium dirimitur, tot
scalarum gradus sunt nihil miserantis Orci. Hi ruinæ periculum ster-
nunt, non assensum parant, totque temperamenti mutationes sunt,
quæ à sanguinis motu producuntur. Quod semel intra sanitatis limites
continetur temperamentum, id nunquam immutaretur, nisi sanguinis
motus seipsum perimeret, aut ipse ab aliqua exterius adveniente causa
mutationis occasionem nancisceretur; ut aliquis cursum, quem dederat
Natura, peragat, alimentis ille indiget, quæ dum partium dissipatam
triplicem substantiam instaurant, easdem partes debilitant, terunt.

Ergò à quibus Vita, ab iisdem morbus.

Domini Doctores disputaturi.

M. Joannes-Baptista Dodart.
M. Philippus Douré.
M. Amandus Douré.

M. Franciscus Gouët.
M. Antonius Varin, Præses.
M. Nicolaus Brunel, de la Carliere.

M. Claudius Biendissant.
M. Dominicus de Farcy.
M. Henricus Mahieu, Decanus.

Proponebat Luteriæ LUDOVICUS PIQUENOT DE DRAGUEVILLE,
Vallonienfis, Baccalaureus Medicus. A. R. S. H. 1692.

Anud Franciscum Muguet, Regis & Facultatis Medicinæ
Typographum.